

¡BOMBA!

Informe de honestidad
e importantes decisiones;
dejó estela de unidad...
y ahora vienen elecciones



K'untzil

Lunes 14 ti' septiembre ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2810 · www.lajornadamaya.mx

Tulum, leti'e' kaaj, ichil uláak'o'ob ti' yóok'ol kaab, tu'ux mas jach ki'imak u yóol máak kéen xíimbalta'ak

U kaajil Tulumé, tu k'amaj 100 puntos ti' 100, úuchik u máan k'áatbil beey máakalmáak kaaj maas jach ki'imak óol u xíimbalta'al ichil tuláakal yóok'ol kaab, beey úuchik u chíikpajal ti' túumben xaak'al jbeeta'ab tumen u compañail seguros viaje JustCover, tu'ux xak'alta'ab maanal jump'éel millón opiniones ts'aba'an k'ajóoltbil ti' Internet yóok'olal 155 u p'éel kaajo'ob ku xíimbalta'al ichil tuláakal yóok'ol kaab.

Xaak'al beeta'abe', máan u kaxt ichil ba'axo'ob ts'íibta'an tumen ajxíinximbal máako'ob, t'aano'ob yéetel je'el ba'axak yaan ba'al u yil yéetel ki'imak óolal.

Yéetel túun ba'ax chíikpjae', tuláakal kaaje' tu k'amaj jump'éel calificación yóok'ol 100; ti' túun p'áat tu yáax kúuchil u kaajil Tulum.

Kaaje', ti' yaan tu petenil Yucatán; kex 130 kilómetros náach ti' u noojolil Cancún. Tu jáal ja'obe' yaan sak saam yéetel u ja'ile' jejeláas u ch'oojil ku núupul yéetel ts'ono'oto'ob, janalo'ob, kúuchilo'ob ti'al u ki' yantal máak. Beey u chíikulalo'ob u kaajil Tulum. Uláak' ba'al mas jach ya'ab u kóolik máake', leti'e' úuchben kaaj yaan aktáan u k'áak'náabil Caribe.

Beey túuno', tu paach mexicoil kaaje', chíikpaj u kaajil Soufrière, tu lu'umil Santa Lucía; lelo' tu k'amaj 95.2 puntos yóok'olal bix u ki' cha'antal k'áax tu'ux yaan Pitons.

U yóox kúuchile', tu k'amaj u lu'umil Oaxaca, láayli' tu lu'umil México, yéetel 88 puntos, tu'ux chíikpaj u jejeláasil janalo'ob, mercados yéetel u miatsil.

Ich tsoolile', táaka'an xan u kaajil Las Vegas, Maui, Nueva York, Capadocia, Río de Janeiro, Chicago yéetel Toronto.

Beyxan, tu lu'umil Europae', táaka'an Positano, Italia, Santorini, Grecia, y Kotor, Montenegro. Florencia yéetel Londres.

Miguel Améndola / P 8
Oochel Rodrigo Díaz

